



**Legatio Marchionis Lavardini Romam, Ejusquè Cum  
Romano Pontifice Innocentio Undecimo Dissidium**

**Sfondrati, Celestino**

**[S.I.], 1688**

6. Respondetur ad Libellum Anonymi: & primò ostenditur, nullam  
Lavardino ab Innocentio XI. Pontifice Maximo injuriam factam.
- 

[urn:nbn:de:hbz:466:1-62944](#)

commendabat, minimo contentus, hoc est, pro Legato non agnoscere, Deum què publicis precibus placare. Nec unquam Lavardinum, pro excommunicato declarâisset, nisi ille palam & cum pompa contemptum professus tellum ab invito extorsisset. Quòd si animus erat Pontificem spernere, quæ rogo necessitas id cum tanto apparatu, fastu què ostentare, ipsaq; nocte flagrantis totâ urbe pietatis? Nec dici potest, non id Lavardinum prævidisse; nam Pontificis animum, cùm de festo sanctæ Luciæ ageretur, jam exploraverat. Sed age, Anonymi Auctoris Libellum quique Lavardini Advocatum se fecit, jam percurramus.

VI. Primò igitur opponit Anonymus: (a) *Nihil unquam injustius majorique injuriâ contra Principum Legatos, quam quod nuper Romæ contra Lavardinum tentatum esse.*

Rx. Antiquissima est præpotentium querela, ut sibi injuriam fieri dicant, cum aliis

(a) *Pag. 1.*

aliis faciunt. Quoties ovibus à Lupo  
objectum est, turbari ab illis fontem, cum  
tamen infra lupum aquarentur? si inju-  
ria est, quidquid Gallo non placet; fa-  
teor magnam accepisse Lavardinum: &  
nego hinc oportere injuriam æstimari.  
Dicitur ergo injustum, quidquid sit con-  
tra jus alterius: priùs ergo probari opor-  
tuīt, jus fuisse Lavardino, invito Prin-  
cipe, ad quem mittebatur, se pro Legato  
ferendi, implendiq; metu & armis ur-  
bem, ut reliqua tamen superiùs narrata,  
& quæ non dícam, nullus Principum, sed  
neq; ullus Paterfamilias domi suæ pate-  
retur. Hæc si jure fecit Lavardinus, ac-  
cusare Pontificem potest; sed cui morta-  
lium persuadebit, id jure factum? Com-  
parentur, quæ Pontifex à Lavardino tan-  
to jam tempore passus est Romæ, quæque  
Lavardinus à pontifice; & mox consta-  
bit uter injuriam acceperit.

VII. Secundò: *Ignarissimos esse iu-*  
*rium dicit, (a) qua Regibus conveniunt,*  
qui

(a) *Fol. 2.*